

րէն եկող զանգուածներու մարդը մասնակցած էր :

Սիմէոն դպիր Լեհացի, որ 1608 Սեպտ. 10ին Կ. Պոլիս հասած է, և հետու մնացած իբր այցելու կամ անցորդ այդ ներքին վէճերէն, մի քանի տողերու մէջ շատ աւելի յստակ գաղափար մը կու տայ Կ. Պոլսոյ Հայոց կացութեան մասին :

Իր Ուղեգրութեան մէջ անիկա կ'ըսէ թէ անոնք ունէին այդ թուականին միայն հինգ եկեղեցիներ, երեքը՝ Վլանկայի մէջ, Ս. Նիկողայոս(\*), Ս. Աստուածածին(\*\*) և

(\*) Հիսար-Տիպի կը գտնուէր, այժմ անհետացած :

(\*\*) Գում-Գարուի Ս. Աստուածածին արդի Մայր Եկեղեցին, որուն շինութիւնը 1610ին իբր թէ կատարուած էր Յովհաննէս Խուլէն, ըստ Գրիգորիս վրդ. Գալէմբեարեանի (տե՛ս Կենսագրութիւններ Ա. էջ 38-39) Թաղէոս Միհրդատեանցի 1718ին գրուած յիշատակագրէն քաղելով տուած տեղեկութեան համաձայն, որ կը կորսնցնէ իր արժէքը Սիմէոն դպիր Լեհացիի ականատեսի վկայութեամբ: Բիւզանդ Քէչեան (*Պատմութիւն Հիւանդանոցի*, էջ 48) արձագանգ կ'ըլլայ աւանդութեան մը՝ որուն համաձայն Մայր Եկեղեցին շինուած է Սուլթան Ահմէտ Ա.ի ատեն (1603-1617), որ մասամբ կը համաձայնէր Միհրդատեանցի տեղեկութեան, սակայն ի հարկէ մի քանի տարի զոնէ առաջ տանելով շինութեան թուականը 1610էն, որպէսզի կարենար 1608ին Սիմէոն դպիր Լեհացի տեսնալ զայն: